

---

BOSNA I HERCEGOVINA  
Federacija Bosne i Hercegovine  
KANTON SARAJEVO  
GRAD SARAJEVO  
**GRADONAČELNIK**

---



**Grad Sarajevo**  
**City of Sarajevo**

---

BOSNIA AND HERZEGOVINA  
Federation of Bosnia and Herzegovina  
CANTON OF SARAJEVO  
CITY OF SARAJEVO  
**MAYOR**

---

**Izvještaj**  
**o preduzetim aktivnostima i toku priprema za održavanje EYOF 2019**  
**za period april - septembar 2018. godine**

**Predlađač: Gradonačelnik**

**Obrađivač: JP „EYOF 2019“ d.o.o.**

**Sarajevo, oktobar 2018. godine**

---

**Adresa:** Hamdije Kreševljakovića 3, 71000 Sarajevo, Bosna i Hercegovina  
**Tel:** +387 33 208 340, +387 33 443 050; **Fax:** +387 33 208 341  
**e-mail:** grad@sarajevo.ba; **web:** www.sarajevo.ba



**EYOF 2019**  
Sarajevo & East Sarajevo

**Izveštaj se odnosi na Izveštajni period april-septembar 2018. godine iz razloga što u periodu april – jun 2018. godine nije održana sjednica Skupštine društva „EYOF 2019“ d.o.o., te materijal nije mogao biti odobren i na vrijeme poslat na razmatranje u Gradsku upravu grada Sarajevo. Hronološki su poredane najznačajnije aktivnosti u toku priprema za održavanje EYOF 2019.**

**06.04.2018.godine** – Direktor je prisustvovao svečanostima povodom dana grada Sarajevo i Ceremoniji otvaranja obnovljene Sarajevske žičare.

**10.04.2018.godine** – Direktor je prisustvovao kolegiju Gradonačelnika, gdje je potencirano da projekat EYOF 2019 se stavlja na listu prioriteta Gradske uprave i da svi u svojim resorima daju maksimalnu podršku u pripremi ovog projekta.

Poslat finansijski izvještaj za mjesec januar 2018. godine (akt br: 03-194-04/18 – Grad Istočno Sarajevo) i (akt br: 03-195-04/18 – Grad Sarajevo). Istog dana, poslat je i finansijski izvještaj za mjesec februar 2018. godine (akt br: 03-196-04/18- Grad Istočno Sarajevo) i (akt br: 03-197-04/18 Grad Sarajevo).

**12.04.2018.godine** – Poslat izvještaj o radu za mjesec mart 2018. godine (akt br: 03-198-04/18 Grad Sarajevo) i (akt br: 03-199-04/18 Grad Istočno Sarajevo).

**12.04.2018. godine** – Održan je sastanak sa predstavnikom Eurosporta za Centralnu i Istočnu Evropu, g. Nicolas Poncelet. Na sastanku se razgovaralo o potencijalnoj saradnji sa Eurosportom na projektu EYOF 2019. Saradnja bi se odnosila na promociju gradova Sarajevo i Istočno Sarajevo i njihovih turističkih potencijala, zimskih sportova, te samog projekta EYOF 2019.

**16.-17.04.2018.godine** – Upriličena je posjeta koordinacione komisije Evropskog olimpijskog komiteta. Članovi komisije, g.Liba Jozef i g.Brull Peter su održali radne sastanke u navedenom periodu. Tokom posjete COCOM komisije održana je prezentacija trenutnog stanja na projektu predstavnicima Evropskog olimpijskog komiteta. Menadžeri Izvršnog komiteta su informisali COCOM o narednim koracima na projektu. Potvrđen je novi datum Chef de mission seminara koji će se održati od 13. do 16.11.2018.godine. Razlog pomijeranja datuma je godišnja Skupština Evropskog olimpijskog komiteta. Po pitanju sportskih disciplina došlo je do promjene u snowboardu. Naime, dvije discipline koje će se održati su big air i slope style što olakšava organizaciju samog događaja s obzirom da će se obje discipline održati na jednoj stazi.

**18.04.2018.godine** – Održan je sastanak u Ministarstvu porodice, omladine i sporta Vlade Republike Srpske. Prisustvovali su ministrica Jasmina Davidović, Dejan Erešić, Dragan Jaćimović, ispred OK Srbije Damir Štajner i Đorđe Višacki i ispred EYOF 2019 Senahid Godinjak.

Tema sastanka bila je trenutno stanje na projektu EYOF 2019. Razgovaralo se prvenstveno o načinu participacije Vlade Republike Srpske na projektu, gdje su iskazali punu podršku projektu EYOF 2019. Potvrđeno je da će se na narednoj sjednici Vlade RS na dnevnom redu naći i pitanje finansijske podrške EYOF 2019 i to kako je projektovano, za infrastrukturu 2,5 miliona KM i za organizacioni budžet 1,5 miliona KM.

Direktor EYOF 2019 je zatražio da se nominuje osoba ispred Vlade Republike Srpske koja bi koordinirala u ime Vlade na projektu.

**24.04.2018.godine** – Održan Okrugli sto na temu „Sigurnost na EYOF 2019“. Na press konferenciji potpisan je i Sporazum o saradnji sa Fakultetom za kriminalistiku, kriminologiju i sigurnosne studije.

Takođe, održan je sastanak sa Gradonačelnikom grada Sarajevo, g. Skaka vezano za ceremoniju otvaranja. Istog dana održan je i 14. radni sastanak sa OK BiH, kojem su prisustvovali Predsjedavajući OK BiH g. Kisić, potpredsjednik OK BiH, g. Kvesić, predstavnik grada Sarajevo, g. Hadžiahmetović i ispred grada Istočno Sarajevo g. Lučić.

**25.04.2018.godine** – Direktor je prisustvovao sjednici Gradskog vijeća Grada Sarajeva i prezentovao izvještaj o radu za januar, februar i mart.

**26.04.2018.godine** – Poslat finansijski izvještaj za mjesec mart 2018.godine (akt br: 04-89-04/18 – Grad Sarajevo) i (04-90-04/18 - Grad Istočno Sarajevo).

Do 26.04.2018. godine potvrđeno je učešće 48 zemalja na EYOF-u 2019 (to je vjerovatno i finalni broj zemalja učesnica).

**26.04.2018.godine** – Zvanično je pokrenuta aplikacija za volontere. Prijaviti se mogu svi ljudi od 14-77 godina. Do kraja aprila pristiglo je oko 300 prijava iz cijele Evrope.

**04.09.2018.godine** - Podijeljene pristupne šifre za NOC web sekciju Olimpijskim komitetima zemalja učesnika.

**11-12.05.2018. godine** - Održana je 39. Skupština EOK-a u Beogradu, na kojem je predstavljen izvještaj o trenutnom stanju i novostima na projektu EYOF 2019. Održan je sastanak sa predsjednikom Koordinacione komisije Evropskog olimpijskog komiteta, kojem su prezentovane aktivnosti realizovane nakon zadnje posjete COCOM u aprilu.

**13.05.2018.godine** - EYOF 2019 predstavljen je na prvom sajmu sporta Republike Srpske koji je održan u Banja Luci. Podršku EYOF-u 2019 dao je naš sugrađanin Nemanja Majdov, svjetski šampion u džudou, kao i naši olimpijci Tanja Karišik, Mladen Plakalović i Žana Novaković.

**19.05.2018. godine** - Potpisan je Sporazum o poslovnoj saradnji i partnerstvu između Evropskog omladinskog olimpijskog festivala 2019 – EYOF 2019 i Univerziteta u Novom Sadu. Memorandumom, koji su potpisali prof. dr. Dušan Nikolić, rektor Univerziteta u Novom Sadu i gospodin Senahid Godinjak, direktor EYOF 2019, izražena je spremnost na različite vidove kontinuirane recipročne poslovne saradnje i partnerstva u cilju uspješne pripreme za organizaciju i održavanje Evropskog omladinskog olimpijskog festivala 2019. godine.

**21.05.2018. godine** - Potpisan ugovor o saradnji i partnerstvu sa informativno-edukacijskim Centrom za mlade Tešanj.

**22.05.2018. godine** - Potpisana policna osiguranja imovine sa Euroherc osiguranjem, koja se odnosi na osiguranje maskote EYOF 2019 – Groodvy, koja je postavljena ispred Sarajevo City Centra.

**22.05.2018. godine** – Održan sastanak sa gradonačelnikom grada Sarajevo, g. Skaka. Sastanku su prisustvovali i predstavnici Skupštine društva „EYOF 2019“ d.o.o., kao i član Predsjedništva Olimpijskog komiteta BiH. Tema sastanka je bila trenutna blokada projekta uzrokovana nedolaskom predstavnika Istočnog Sarajeva na sjednice Skupštine društva.

Istog dana, održan je sastanak sa ambasadorom Republike Slovačke, g. Martin Kačo i njegovim pomoćnikom, g. Marcel Mavrodiev, koji su izrazili želju da se dodatno informišu o projektu EYOF 2019 zbog velike zainteresovanosti takmičara i volontera iz njihove zemlje za ovaj projekat.

**23.05.2018. godine** - Poslat finansijski izvještaj za mjesec april gradu Sarajevo (akt br. 03-242-05/18) i gradu Istočno Sarajevo (akt br. 03-243-05/18)

**23.05.2018.godine** - Ispred Sarajevo City Centra je upriličeno svečano otkrivanje velike maskote Groodvy i postavljanje sata koji otkucava vrijeme do EYOF-a 2019 - najvećeg sportskog događaja u Sarajevu i Istočnom Sarajevu nakon Olimpijskih igara 1984. godine.

Svečanu ceremoniju otvorili su gradonačelnik grada Sarajevo, g. Abdulah Skaka, direktor turističke zajednice Kantona Sarajevo, g. Nermin Muzur, predsjedavajući Olimpijskog komiteta BiH, g. Siniša Kisić, te direktor i zamjenik direktora „EYOF 2019“ d.o.o., g. Senahid Godinjak i g. Natko Sudžuka.

**25.05.2018. godine** – Održan je sastanak sa novoimenovanim premijerom Kantona Sarajevo, g. Ademom Zolj. Direktor je upoznao premijera o stanju na projektu i stepenu realizacije obaveza Vlade Kantona Sarajevo prema EYOF 2019. Zaključak sastanka je da će premijer uskoro organizovati sastanak sa direktorima Javnih preduzeća (ZOI'84 i Centar Skenderija) u cilju ubrzanja realizacije započetih projekata infrastrukturnih radova na borilištima.

**28.05.2018. godine** - Poslato pravdanje finansijskih sredstava prema Općini Centar.

**29.05.2018. godine** - Održana je 11. sjednica Izvršnog komiteta. Glavna tačka dnevnog reda bila je analiza operativnih planova i popunjenost sektora.

**29.05.2018.godine** - Olimpijski komitet Bosne i Hercegovine sada već tradicionalno organizuje manifestaciju obilježavanja Dana Olimpizma. Ovogodišnja proslava bila je 29.maja 2018. u Travniku, u organizaciji Olimpijskog komiteta Bosne i Hercegovine i Edukacijskog fakulteta Univerziteta u Travniku. Učesnici su imali priliku da se upoznaju i oprobaju u 9 olimpijskih sportova, druže sa našim olimpijcima i uživaju u olimpijskom duhu. EYOF 2019, kao najveći sportski događaj u BiH nakon olimpijade 1984. godine, promovisan je i na ovogodišnjem OLYMPIC DAY-u.

**31.05.2018. godine** - Poslato je pravdanje finansijskih sredstava prema Kantonu Sarajevo.

**04.06.2018 godine** - Poslat je Izvještaj o radu za mjesec april 2018.godine gradu Sarajevo (akt br: 03-249-06/18) i gradu Istočno Sarajevo ( akt br: 03-250-06/18)

**05.06.2018 godine** – Poslat je finansijski izvještaj za mjesec maj gradu Sarajevo (akt br: 03-252-06/18) i gradu Istočno Sarajevo (akt br: 03-253-06/18).

**08.06.2018 godine** – Dobili smo izvještaj nezavisnog revizora o pregledu finansijskih izvještaja za 2017. godinu. Za ovaj Izvještaj bio je angažovan “Aditon”, društvo za reviziju i poresko savjetovanje Banja Luka, gdje je zaključkom konstatovano: “Na osnovu izvršenog pregleda, nismo naišli ni na šta što bi nas navelo na uvjerenje da priloženi finansijski izvještaji nisu pripremljeni, po svim materijalno značajnim aspektima, u skladu sa važećim okvirom finansijskog izvještavanja (Međunarodni računovodstveni standardi i Međunarodni standardi finansijskog izvještavanja)”.

**11.06.2018 godine** – Poslat je Izvještaj o radu za mjesec maj gradu Sarajevo ( akt br: 03-262-06/18) i gradu Istočno Sarajevo (akt br: 03-263-06/18).

**12.06.2018 godine** - Direktor i gradonačelnik grada Sarajevo, g.Skaka prisustvovali su kolegiju Vlade Kantona Sarajevo, gdje su pored ministara Vlade Kantona Sarajevo bili prisutni i direktori JP “ZOI 84” i “Skenderija”. Tema kolegija bila je aktivnosti i obaveze Vlade Kantona Sarajevo u pripremi i realizaciji projekta, sa posebnim akcentom na potrebu izvođenja infrastrukturnih radova na Igmanu i Bjelašnici.

**18.06.2018.godine** - Pokrenuta je medijska kampanja za volontere (bilboards, citylights, click ram, društvene mreže).

**19.06.2018 godine** - U hotelu “Termag” na Jahorini održana je 12. sjednica Izvršnog komiteta EYOF 2019. Osim o trenutnom stanju na projektu, na ovoj sjednici govorilo se o organizaciji Seminara šefova misija, koji će biti održan u novembru mjesecu. Ovo je jedan od važnijih događaja u organizaciji EYOF 2019. Takođe, prezentovan je RAS sistem (Sistem za registraciju i akreditaciju).

**22.06.2018 godine** - Održan je Sastanak sa Ministrom vanjske trgovine i ekonomskih poslova, g. Šarović. Sastanku su prisustvovali direktor i zamjenik direktora “EYOF 2019” d.o.o. Zatražena je podrška od ministra Šarovića, kako bi se otkočio zastoj u funkcionisanju rada Skupštine društva EYOF 2019.

**22.06.2018 godine** - Potpisan je Ugovor o sufinansiranju EYOF 2019 iz sredstava Federalnog Ministarstva kulture i sporta u iznosu od 450.000, 00 KM, tranša za 2018. godinu.

**03.07.2018.godine** – Marketing tim održao je sastanak sa Auto centar Italy (A.C.I). Predstavnicima A.C.I prezentovan je projekat EYOF 2019 i sponzorski paket. Nakon niza razgovora sa centralom u Italiji i marketing menadžerom, krajem mjeseca uspostavljena je saradnja koja će biti zaključena sponzorskim ugovorom, gdje će oficijelno auto Festivala biti Jeep.

**10.07.2018. godine** - Dostavljen je Izvještaj o radu za mjesec juni 2018. godine Gradu Sarajevo (akt br: 03-287-07/ 18) i Gradu Istočno Sarajevo (akt br: 03-288-07/ 18).

Istog dana, dostavljen je Finansijski Izvještaj za mjesec juni 2018. godine Gradu Sarajevo (akt br: 03-289-07/18) i Gradu Istočno Sarajevo (akt. br: 03-290-07/18).

**13.07.2018. godine** — Direktor je gostovao u emisiji „Šarenica“ i projekat EYOF 2019 predstavljen je široj javnosti kroz navedenu emisiju koja se emituje na RTS1.

**18.07.2018. godine** — Uputili smo Informaciju o stanju na borilištima Olimpijskom Komitetu BiH i Gradonačelnicima Gradova Sarajevo i Istočno Sarajevo.

Iako neposredno i funkcionalno OK BiH i Gradovi Sarajevo i Istočno Sarajevo nemaju nadležnosti nad adaptacijom i uređenjem borilišta i znamo da ni njihove institucije nisu neposredno nadležne za rad i pripreme na uređenju i adaptaciji borilišta, morali smo još jednom urgirati za dodatnim angažmanom na rješavanju ovog problema. Kao gradovi domaćini ovog značajnog i velikog, sportskog takmičenja, očekujemo da će se obratiti nadležnim institucijama, prije svih, Vladi Republike Srpske, kako bismo u što skorije vrijeme operacionalizirali plan izgradnje i adaptacije borilišta koja su u planu za održavanje EYOF 2019.

**19.07.2018. godine** – Direktor, Jasmin Ademović, marketing menadžer, Irfan Godinjak, IT Menadžer, Haris Čeremida, asistent za telekomunikacije, održali su sastanak sa predstavnicima firme Telemach, koji su pokazali zainteresovanost za projekat EYOF 2019 i moguću buduću saradnju.

**19.07.2018. godine** - Direktor je održao sastanak sa predstavnicima KJP ZOI '84. Tema sastanka bila je trenutno stanje borilišta koja su pod upravom ZOI '84, kao i saradnja sa ZOI '84 u smislu koordinacije i nominiranje osoba od strane preduzeća koji će biti zaduženi za borilišta. Sastanku su prisustvovali menadžeri pojedinačnih sportova, direktor sporta EYOF 2019, menadžer za borilišta, direktor preduzeća ZOI '84 kao i posrednik između EYOF 2019 i ZOI '84, Adis Mušinić.

**25.07.2018.godine** - Evropski olimpijski komitet obavijestio nas je o imenovanju člana Koordinacione komisije (COCOM), gospodina Florin Misca (ROU).

**30.07.2018. godine** - Potpisana je vansudska nagodba kojom je riješen spor radi isplate ugovorene naknade po osnovu ugovora o angažmanu između tuženog „EYOF 2019“ d.o.o. i tužitelja Čović Ranka i Kazazović Elvira.

**03.08.2018.godine** - EYOF 2019 je u kooperaciji sa FK Sarajevo podjelio karte za utakmicu putem svojih socijalnih mreža. Groodvy je bio prisutan na stadionu Koševo, na utakmici kvalifikacija lige Europe između ekipe Sarajeva i Italijanskog prvoligaša Atalante, Groodvy je imao priliku da ispred 20,000 hiljada ljudi bodri navijače i druži se sa mališanima. Mini projekat je na obostrano zadovoljstvo uspješno realizovan, i dogovorena je moguća buduća saradnja na sličnim projektima.

**06.08.2018.godine** – U hotelu "Termag" na Jahorini održana je treća sjednica Organizacionog komiteta. Sjednici su prisustvovali predsjedavajući Organizacionog komiteta EYOF 2019 gradonačelnici Gradova Sarajevo i Istočno Sarajevo, ministar kulture i sporta Kantona Sarajevo Mirvad Kurić, potpredsjednik Olimpijskog komiteta BiH Izet Rađo, direktor EYOF 2019 d.o.o. Senahid Godinjak, sekretar Olimpijskog komiteta BiH Said Fazlagić, te predstavnici Ministarstva civilnih poslova BiH, Ministarstva vanjske trgovine i ekonomskih odnosa, te Vlade Federacije BiH i Vlade Republike Srpske. Na sjednici se razgovaralo o realizovanim aktivnostima na projektu EYOF 2019 u protekloj godini, te o narednim koracima u cilju što bolje organizacije Festivala.

Istog dana, održan je sastanak sa predstavnikom Karling saveza Slovenije, Gregorom Rigler, kojem su prisustvovali gradonačelnik grada Istočno Sarajevo, Nenad Vuković, direktor „EYOF 2019“ d.o.o., direktor sporta EYOF 2019, Jasmin Mehić.

**07.08.2018. godine** – Poslat je dopis OC „Jahorina“, ZOI '84, KJP Centar Skenderija i Opštini Pale u skladu sa zaključkom sa treće sjednice Organizacionog odbora, a koji se odnosi na ustupanje objekata za potrebe organizacije EYOF 2019. Takođe, ovim dopisom je traženo da upravitelji pomenutih javnih preduzeća dostave nulti nivo troškova za pružene usluge, a u cilju što bolje i kvalitetnije organizacije takmičenja.

**14.08.2018.godine** – Poslat je Izvještaj o radu za mjesec juli (akt br: 03-332-08/18 grad Sarajevo) i (akt br: 03-333-08/18 Istočno Sarajevo).

**15.08.2018. godine** – Dobili smo preliminarne liste takmičara po sportovima.

**17.08.2018. godine** - Izrada video materijala „Početak radova na Cross country stazi na Igmanu“.

**22.08.2018.godine** – Prema OC „Jahorina“ poslata je dokumentacija, premjer radova i potrebne opreme za minimalne tehničke uslove organizacije biatlon takmičenja na borilištu Dvorišta za EYOF 2019.

Istog dana, poslata je načelniku Opštine Istočno Novo Sarajevo projektna dokumentacija za potrebe izgradnje privremene dvorane i ostale potrebne mašinsko-tehničke opreme za organizaciju takmičenja u brzom klizanju.

**24.08.2018.godine** - Održan sastanak sa predstavnicima Grada Sarajeva povodom aplikacije na projekat „Dijalog za budućnost“.

**25.08.2018. godine** - Dogovrena saradnja sa prvim oficijelnim Diamond sponzorom EYOF 2019 – oficijelnim vozilom festivala Jeep. Dogovor sa A.C.I grupacijom kojeg zastupa gosp. Mirsad Hamzic. Planirano je ozvaničavanje sporazuma i potpisivanje ugovora početkom oktobra.

**03.09.2018. godine** – Direktor je prisustvovao kolegiju gradonačelnika Grada Sarajevo u hotelu „Courtyard by Marriot“. Direktor je prisutnima predstavio presjek stanja na projektu EYOF 2019, sa posebnim akcentom na probleme zastoja na projektu kao i obaveze grada Sarajevo u cilju ubrzavanja ukupnih priprema EYOF-a.

Istog dana, poslate su pozivnice za Seminar šefova misije.

**04.09.2018. godine** – Održan kolegij Skupštine društva „EYOF 2019“ d.o.o na kome je Predsjednik skupštine grada Istočno Sarajevo g. Miroslav Lučić, u ulozi člana kolegija Skupštine društva „EYOF 2019“ d.o.o., obavijestio članove kolegija da po nalogu gradonačelnika do daljnjeg ne zakazujemo Skupštinu društva dok ne rješimo određena pitanja vezana za rješavanje statusa članova Izvršnog komiteta, odnosno pitanja iz odluke Organizacionog odbora EYOF 2019, a koja se odnosi na Izvršni komitet.

**05.09.2018. godine** – Poslato je pravdanje dodijeljenih finansijskih sredstava Kantonu Sarajevo.

Istog dana, poslat je finansijski izvještaj za mjesec juli (akt br: 03-343-09/18- Grad Sarajevo) i (akt br: 03-344-09/18 – Grad Istočno Sarajevo).

**05.09.2018.godine** – Poslata je inicijativa OC „Jahorina“ za hitno pokretanje postupka javne nabavke adaptacije borilišta za EYOF 2019.

**07.09.2018. godine** – Održan sastanak sa Britanskim timom za podršku. Tema sastanka bila je sigurnost na EYOF 2019. Naglasili su da je EYOF u 2019 godini jedna od najznačajnijih aktivnosti u Bosni i Hercegovini, te samim tim što će u tom periodu Britanski tim biti na dužnosti, željeli su biti upućeni u trenutno dešavanje na projektu i uvjeriti se da nemamo nikakvih smetnji za njegovu realizaciju.

**07. – 08.09.2018. godine** – Direktor i menadžer sporta EYOF 2019 prisustvovali su 7. Svjetskom karling kongresu u Budimpešti. Na kongresu je održan niz sastanaka sa predstavnicima svjetske karling federacije, između ostalog sa predsjednicom Kate Caithness. Na kraju Kongresa usvojeni su jako važni zaključci koji se odnose na organizaciju karlinga na EYOF 2019. Svjetska karling federacija će donirati BiH rekvizite neophodne za održavanje takmičenja, u potpunosti uspostaviti strukturu tehničke organizacije u njihovoj režiji. Karling savez Slovenije će biti spona i rukovoditi pripremama borilišta i sporta između Izvršnog Komiteta EYOF 2019 i svjetske karling federacije. Naša obaveza je artikulirana na način da obezbjedimo led u dvorani „Peki“ na Palama, kao i smještaj sudija i tehničkog delegata na Palama u blizini dvorane.

**12.09.2018. godine** – Zaključen je okvirni Sporazum sa firmom „Zenko“ d.o.o. za nabavku sportske odjeće.

**13.09.2018.godine** – Poslat je izvještaj o radu za mjesec avgust 2018.godine (akt br: 03-371-09/18 – Grad Sarajevo) i (akt br: 03-372-09/18 – grad Istočno Sarajevo).

**14.09.2018. godine** - Rad na izradi finalnog promo videa EYOF 2019, gdje su iskorišteni svi video materijali sa testnih takmičenja, i snimljene izjave gradonačelnika i direktora EYOF 2019. Oficijelna premijera planirana je za 27. Septembar 2018. godine u sklopu projekta B2B run i Promocije Europske sedmice sporta.

**16.-18.09.2018. godine** – Održan je sastanak sa dijelom COCOM komisije i nekim članovima Izvršnog komiteta EYOF-a 2019. Ispred COCOM-a sastanku je prisustvovao g. Jozef Liba, kao i gđa. Andreja Leskovšek - McQuarrie. Takođe, sastanku su prisustvovali i članovi OK BiH, g. Izet Rađo i g. Said Fazlagić, kao i predstavnik Grada Sarajevo, g. Elvir Hadžiahmetović. Menadžeri su predstavili aktivnosti unutar svojih sektora, dok je direktor prezentovao stanje na projektu i aktuelnu problematiku. Zaključeno je da će OK BiH uputiti poziv predstavnicima gradova Sarajevo i Istočno Sarajevo i EYOF-u 2019 za radni sastanaka. Drugi dan posjete, protekao je u obilasku nekih od borilišta. Također gđa. Andreja McQuarrie, obišla je i lokaciju na kojoj će se održati CdM seminar, hotel Termag. Treći dan posjete, Andreja Leskovšek - McQuarrie obavila je radne sastanke sa tri sektora: smještaj, IT i NOC. Na ovim radnim sastancima se detaljnije pričalo o RAS-u i protokolu samog CdM seminara.

**19.09.2018. godine** – Poslata je inicijativa BH pošti za izradu poštanske markice sa motivima EYOF 2019 i maskote Groodvy.

**24.09.2018. godine** – Održan je radni sastanak u OK BiH kojem su prisustvovali direktor „EYOF 2019“ d.o.o., gradonačelnik grada Istočno Sarajevo Nenad Vuković, dogradonačelnik grada Sarajevo Ivica Šarić, predsjednik Skupštine društva Elvir Hadžiahmetović, koopredsjedavajući OK BiH Izet Rađo, sekretar OK BiH Said Fazlagić. Na sastanku se razgovaralo o tekućim pitanjima na projektu EYOF 2019, poseban osvrt je



bio na blokadu Skupštine preduzeća, rješavanje statusa članova Izvršnog komiteta, te aktivnosti na obezbjeđivanju finansijskih sredstava od različitih institucija vlasti. Dogovoren je sastanak za 7 dana sa podjeljenim konkretnim zadacima kako bi se ubrzao kompletan proces pripreme.

Istog dana, poslat je dopis EOK-u o izmjeni lokacije borilišta za short track sa pomoćnog stadiona „Slavija“ na dvoranu Skenderija.

**26.09.2018.godine** – Direktor je prisustvovao sjednici Gradskog vijeća Grada Sarajevo i podnio usmeni izvještaj Gradskom vijeću o stanju na projektu EYOF 2019.

**27.09.2018. godine** –Održana je druga po redu poslovna trka - **B2B Run**. Trka je okupila rekordnih 1100 uposlenika iz preko 130 kompanija. Podršku svim učesnicima dala je maskota Groodvy i EYOF 2019 tim. Ovogodišnja trka se održala u sklopu Evropske nedelje sporta koju u Bosni i Hercegovini obilježava Ministarstvo civilnih poslova BiH, pod parolom **#beactive**. EYOF 2019 bio je jedan od zvaničnih partnera ovogodišnje B2B Run.

Istog dana, održan je radni sastanak u prostorijama grada Istočno Sarajevo kojem su prisustvovali gradonačelnici gradova Sarajevo i Istočno Sarajevo i direktor „EYOF 2019“ d.o.o. Tema sastanka bila je realizacija zaključaka sa sastanka održanog u OK BiH, sa akcentom na deblokiranje rada Skupštine društva i statusa članova Izvršnog komiteta. Gradonačelnik Istočnog Sarajeva, g. Nenad Vuković zatražio je dodatno još tri dana konsultacija po ova dva značajna pitanja, tako da nije bilo konkretnih zaključaka.

#### **Pregled bitnih dokumenata:**

- Odluka o imenovanju nezavisnog revizora za vršenje usluga revizije poslovanja - **Društvo za reviziju i poresko savjetovanje „Aditon“ d.o.o. Banja Luka.**
- Zaključen Sporazum o naučnoj, obrazovnoj i stručnoj saradnji (**“EYOF 2019” d.o.o. i Fakultet za kriminalistiku, kriminologiju i sigurnosne studije**)
- Zahtjev za prenos finansijskih sredstava - Ministarstvo civilnih poslova – II tranša za 2017. godinu
- Pravdanje dodjeljenih sredstava – Federalno ministarstvo kulture i sporta – I tranša za 2017. godinu
- Pravdanje dodjeljenih sredstava – Federalno ministarstvo kulture i sporta – II tranša za 2017. godinu.
- Najavljena kontrola – Uprava za indirektno oporezivanje (dobili smo rješenje bez sankcija)
- Poslat zahtjev prema MIP-u o uslovima viznog režima zemalja učesnica na EYOF 2019
- Priprema Info paketa 2 ( plan slanja do kraja juna 2018.)
- Poslat zahtjev za dodjelu finansijskih sredstava za 2018. godinu Federalnom ministarstvu kulture i sporta.
- Poslat zahtjev za dodjelu finansijskih sredstava Kantonu Sarajevo.
- Podnesen Izvještaj o investicionim ulaganjima i bruto primanjima Zavodu za statistiku Repulike Srpske.
- U toku priprema finansijskog plana za CdM.
- Donesena odluka o izboru najpovoljnijeg ponuđača za nabavku sportska odjeća - **“ZENKO” d.o.o. Zenica.**
- Pravilnik o radu Izvršnog komiteta EYOF 2019

- Pravilnik o naknadama za Izvršni komitet
- Okvirni sporazum o nabavci i isporuci robe sportska odjeća (“EYOF 2019” d.o.o. i “ZENKO” d.o.o. Zenica)
- Ugovor o nabavci sportske odjeće u sklopu Okvirnog sporazuma o nabavci i isporuci robe sportska odjeća (“EYOF 2019” d.o.o. i “ZENKO” d.o.o. Zenica)
- Ugovor o nabavci usluga organiziranja događanja (B2B RUN) → Direktni sporazum (“EYOF 2019” d.o.o. i “Maxima” d.o.o. Sarajevo)